

FUTBOLA

Ritxi Mendigurenek
Athleticen segituko
du hurrengo bi
denboraldietan

RAMON BASALDUA / BILBO

Ritxi Mendigurenek beste bi urterako berritu egin du Athleticen duen kontratua. Horrez gain, bigarren denboraldian hamalau partiduko jokatzeko gero, automatikoki beste hirugarren denboraldi baterako kontratua lortuko luke Athleticen jokalaria oñatiarrak.

Talderen batek Mendigurenek eta Athleticen sinatutako kontratua apurto nahi izanez gero, 800 milioi pezeta ordaindu beharko lituzke. Hori da behintzat, klubak jokalaria ezarri dion klausula.

Negoziaketak hasi zirenean, Ritxi Mendigurenek hiru urteko kontratua eskatzen zion Ibaigane klubari. Jose Mari Arrate lehendakariak ordea, bi denboraldi bakarrik eskaintzen zizkion oñatiarrari. Hasiera hasieratik diru aldetik arazorik izan ez den arren, tirabira gogorak izan dira hirugarren denboraldi hori dela eta.

Hasiera batean, Athleticen bigarren denboraldian hogeitatu partiduko jokatzeko eskatzen bazion ere, Jose Mari Arratek hamabost partidura jaitsi zuen hirugarren denboraldia emateko baldintza. Taldearen baldintza hau mantentzen zela ikustean Mendigurenek gogortu egin zuen bere jarraera.

Asteartean, eskaintza bana egin zuten Athleticen eta jokalaria. Azkenean, hamalau partiduko jokatu beharko ditu Mendigurenek hirugarren urte bateko kontratua lortzeko. Nolanahi ere, lesioz edo ezustez ez badu ez dirudi oñatiarrak partiduko kopuru hori betetzeko arazorik izango duenik.

Beste alde batetik, Elkarte Autonomoetako telebisten elkarteak (FORTA) adierazi duenez, zuzenean eskainiko ditu Athleticen Barcelonaren aurka urtarrilaren 28an Nou Campen eta A Coruñaiko Deportivoaren aurka otsailaren 2an Riazorren jokatu dituen partidukoak.



Albaceteko jokalariek Beasainen erasoaldiak mozteko arazo handiak izan zituzten.

ANDER GILLENEA

Egun historikoa Beasainentzat

Lehen Mailako Albacete gaingitu zuen Kopako joanean Loinazen

3

BEASAIN

Elola: Sukunza, De Luz, Leturia, Navarro, Eskisabel, Idiakez, Beobide, Eneko, Olano, Irazusta. Errea, Irazustaren orde (76. minutua), eta Cordero, Olanoren orde (85. minutua).

2

ALBACETE

Molina; Alejandro, Sotero, Cocco, Fradera, Santi, Bjelica, Oscar, Zalazar, Andonov eta Morientes. Antonio, Oscarren orde (71. minutua), eta Cordero, Zalazarren orde (76. minutua).

GOLAK: 0-1: Bjelica (19m.); 0-2: Zalazar (35m.); 1-2: Eneko (50m.); 2-2: Irazusta (53m.); 3-2: Irazusta (70m.). ARBITROA: Dauden Ibañez. Txartel horiak: Eskisabel, Beobide, Zalazar, Santi, Oscar eta Fradera.

BEASAIN

Beasainek ezuste izugarria eman zuen atzo Loinazen, Kopako kanporaketako joanean Albacete taldeari 3-2 irabaztean. Loinaz zelaia zaletuez gainezka ageri zen, etxeko taldeak histo-

rian zehar Lehen Mailako aurkari baten kontra jokatzen zuen lehen neurrak ikusteko. Berdegunea ere, baldintza onetan, horrelako egun historikoak merezi zuen bezala.

Partidua espero bezala joan zen hasierako minutuetan. Albacete oso ondo kokatu zen zelaian eta nagusitu egin zitzaion Beasaini. Nagusitasun horri esker, Bjelicak Albaceteren aldeko lehen gola egin zuen 19. minutuan, jokaldi pertsonala burututa. 35. minutuan, Zalazarrek 0-2koa ezarri zuen. Bazirudien, zelaian eta markagailuan ikusten ari ziren kontutan hartuta, jipoi handia hartuko zuela Beasainek. Ez zen horrela gertatu ordea.

Bigarren zatian gauzak goitik behera aldatu ziren. Periko Alonsoren gizonak gehiago presionatzen hasi ziren, Molinaren atera arrisku handia eramanez.

Lan horrek bere fruituak eman zituen, 50. minutuan Enekok Beasainen aldeko lehen gola egin baitzuen. Hiru minutu beranduago, Irazustak 2nako berdinketa ezarri zuen, baina ez zen nahikoa. Beasainek partidua irabazi egin nahi zuen zaletuen laguntza eskertzeko, eta lortu zuen. Irazusta izan zen, berriro ere, Molinaren atea zulatuta eta azken emaitza ezarri zuena. Falta ziren 20 minutuetan, Beasainek presionatzen segitu zuen, Albacete bere areatik arriskua urrundu besterik egin ez zuen bitartean.

Horrela, Albacete derriro irabazi beharko du itzuliko partidua Carlos Belmonten, Kopatik kanpo geratu nahi ez badu. Beasainentzat ez da batere erraza izango neurrak hori, baina lehen helburua behintzat lortu du. Ez dago batere gaizki.

Asprillaren aurkako bilatu eta
atxilotzeko agindua dago Kolonbian

DONOSTIA

Faustino Asprilla jokalaria kolonbiarra Parman dago, eta momentuz ez du Kolonbiara itzultzeko inolako asmorik. Dirudien, aurrelariak tiro batzuk bota zituen airera Urte Berri egunean Tulua hirian, eta bertako polizia bilatu eta atxilotzeko agindua luzatu du.

Tuluako polizia buruak emandako bertsioaren arabera, telefono dei bat jaso zuten Urte Berri egunean, kalean tiroak entzun zirela eta. «Patruila bat bidali genuen hara, eta 'Tino' Asprillari bi pistola atzeman genizkion. Komisaldegi eramateko ahalegina egin genuenean,

lagunak eta bertan zeuden pertsonak galerazi egin zituzten, berehala ingurutik ihes eginez». Carlos Alberto Aponte fiskalaren hitzetan, «ikusitako behar da zer nolako frogak ditugun, baina hurrengo orduetan edo egunetan erabakiko da Asprilla Kolonbiara deitzen dugun ala ez».

Bien bitartean, Faustino Asprillak bestelako bertsioak eskaini zuen Parmara ailegatzean. Aurrelariaren esanetan, «ura botatzen duten horietako pistola besterik ez dut izan nire bizitza guztian».

Giorgio Pedraneschi Parmako lehendakariaren arabera, «pistola horiek Faustinoaren anaia eta bizkarzainarenak dira».

CONQUENSE taldeko
jokalaria ez dira
entrenatzen

Conquense taldeko jokalaria ez entrenatzea erabaki dute, klubak hiru hilabeteko soldatak zor dizkielako. Jokalaria entrenamendura agertzen dira egunero, baina ez dute inolako ahaleginik egiten. Gainera, jokalaria batzuk oraindik ez dira Gabonetako oporralditik itzuli, eta ez dute itzultzeko asmorik ere zor zaiena ordaindu arte. Conquensek Elgorriaga Bidasoaren aurka jokatu behar du igande honetan Ordizian.

TENISA: 'Seles
kasua' berriro
auzitegiara

'Seles kasua' auzitegiara itzuliko da martxoan, Hamburgetako Fiskaliak lehen harturiko erabakia «ariniegia» dela erabaki baitu. Joan den urtean, Hamburgetako Auzitegiak bi urterako kartzela zigorra ezarri zion Selesi labana sartu zion gizonari, baldintzapeko askatasunean.

VANISEVICek
jokatu egingo du
Australian

Goran Ivanisevic tenislari kroaziarrak Australiako Irekian parte hartuko du, belaunean izandako lesioa larria ez dela baieztatu ondoren. Ivanisevic igandean lesionatu zen Perth hirian, eta hasiera batean nahiko larria zela pentsatu bazen ere, ez du urteko lehen Grand Slamean jokatzeko arazorik izango.

NBA: Wilkensek ez
du oraindik
errekorra hautsi

Portland Trail Blazers taldeak irabazi egin zuen Atlanta Hawksen aurka (98-103), eta Lenny Wilkens entrenatzaileak bere 939. garaipena lortzea galerazi zuten. Garaipen horrekin, Wilkens NBA partiduko gehien irabazi dituen teknikari bihurtuko litzateke. Beste emaitzak: New Jersey 114, Indiana 103; Washington 107, Seattle 121; Minnesota 99, Denver 108; Dallas 98, Houston 110; Utah 123, Milwaukee 91; Lakers 105, Detroit 96; Warriors 86, San Antonio 91; Sacramento 100, Phoenix 108.



Jolas

Jostailuak, jostailu didaktikoak,
jokuak, opariak...

ESKOLARENTZAKO PREZIO BEREZIAK